

Powšitkowne WOZJEWJENJA

njedźelu, 26. decembra 2021

Wusyłanje Božich mšow wokoło hód

Kemše w Božej nocy, 24. decembra, přenjesu so z Kulowa w 19.30 hodź. a w 22.00 hodź. z Chrósćic kaž tež z Ralbic, wottam jako awdijo z fotami. Z Chrósćic wusyłaja so kemše w Božej nocy tohorunja w Serbskim rozhłosu. Hižo wot 21.00 hodź. wusyła sćelak serbsku hodownu hudźbu.

Boži dzeń a naslědnu njedźelu, druhi swjaty dzeń hód, 25. a 26. decembra, přenjesu so kemše stajnje we 8.30 hodź. z Kulowskeje a w 9.00 hodź. z Chróšćanskeje cyrkwyje, z Ralbičanskeje cyrkwyje njedźelu, 26. decembra, we 8.30 hodź. jako awdijo.

Tohorunja w livestreamje sćehować móža wěriwi Bože mšě njedźelu, 2. januara. Wone přenjesu so w samsnych časach, potajkim w 9.00 hodź. z Chróšćanskeje, we 8.30 hodź. z Kulowskeje kaž tež w samsnym času jako awdijo z fotami z Ralbičanskeje cyrkwyje. Wšitke linki na Bože služby su w interneće pod www.posol.de a na wosadnych stronach podate.

Hodowna hra z Róžanta jako film

W Róžeńće su džěci z pomocu dorosćenych zaso sčasom do hód film natočili, kotryž ma hodownu hru narunać. Tu su tam hewak patoržicu, 24. decembra, popođnju pokazali. Lětsa je film wospjet online přistupny. Link na njón je pod www.posol.de wozjewjeny.

Hodowne rozpominanje za swójby

Na internetowej stronje serbskeho dekanatneho dušepastyrstwa za džěci a młodžinu je wozjewjeny nyšpor z hodownym hračkom, kotrež hodži so doma w swójbje bjez wulkich přihtow hrać. Link na njón je pod www.posol.de podaty.

Modlerska akcija

Nowe lěto z modlenjom zahajić je zaměr noweje akcije. Ta wotměje so Nowe lěto, sobotu, 1. januara, po wšej Němskej. Zajimcy móža zahajenje modlerskeje akcije wot 19 hodź. w sćelaku BibelTV abo na platformje YouTube sćehować. Linkaj budžetej pod www.posol.de wozjewjenej.

Boža mša ze Smochćic w rozhłosu

Rozhłosowy sćelak MDR-Kultur přenjese njedźelu, 2. januara, Božu mšu z cyrkwyje swjateho Bena w Smochćicach. Kemše započnu so w 10 hodź.

Mandželski seminar

Seminary k přihtotej na sakrament mandželstwa wotměja so stajnje pjatk a sobotu, 11. a 12. februara, 11. a 12. měrca kaž tež 25. a 26. nowembra w Smochčanskim ku-
blanišću swjateho Bena. Přizjewjenja za seminar w februaru přijimuju so hač do srjedy, 26. januara, ale jeničce online. Link je pod www.posol.de wozjewjeny.

Serbske wukublanje JULEICA

Worklečanske młodzinske dušepastyrstwo přewjedže za zajimcow klětu nalěto kurs JULEICA. Wobdžělnicy dóstanu kartu, z kotrejž so wokrući, zo su wotpowědny kurs wopytali a sej kmanosće čestnohamtskeho nawjedowanja młodzinskih skupin přiswojili. Přeni džěl wotměje so wot pjatka do njedzele, 11. do 13. měrca, we Worklecach, druhu tohorunja wot pjatka do njedzele, 1. do 3. apryla, w Smochćicach, tam z přenocowanjom. Zajimcy měli so hač do srjedy, 19. januara, online přizjewić. Link je pod www.posol.de podaty.

Swobodne džělowe městno w socialnej službje

W Chróšćanskim Domje swjateje Ludmile poskićamy džělowe městno při dohladowanju wobydlerjow. Wone ma so 1. februara z 20 hodzinami wob tydžeň wobsadzić. Přizjewić smě so kóždy, kiž so rady ze staršimi ludźimi zaběra. Wosebite wukublanje njeje k tomu trěbne. K nadawkam słuša mjez druhim, z wobydlerjemi so zaběrać, rozmołwjeć a so z nimi wuchodźować. Nadrobniše informacije poda wjednistwo domu, telefonowe čisło (03 57 96) 94 73 30. *M. Wenclowa, nawodnica*

W klósterskej domjacnosći džělać

Klášter Marijina hwězda w Pančicach-Kukowje pyta wosobu za džěla w domjacnosći. K tomu słuša tež nawod zbrašenych sobudžělaćerjow w jich wobłuku. Městno ma so w januaru 2022 wobsadzić. Wobšěrne wopisanje je pod www.posol.de wozjewjene.

Jězba w lěcu za šulerjow 5. do 8. lětnika

Dekanatne dušepastyrstwo džěći přeprašuje šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot póndzele do pjatka, 15. do 19. awgusta 2022. Swójski přinošk na wobdžělnika wučinja 100 eurow. Přizjewjenja přijimuju hač do njedzele, 30. apryla 2022, ale jeničce online. Link na wotpowědnu stronu je pod www.posol.de wozjewjeny.